

6000, *ut in parte*: la qual sententia è 1522, 27 Septembrio.

Et sier Hironimo da chà da Pexaro savio dil Consejo, vol che Luni sia deputà questo Consejo per aldirli, *ut in parte*.

Et sier Santo Trun savio a terra ferma, vol li contadini pagi *solum* lire 5000; et la sententia sopradita sia placità, *ut in parte*.

Parlò il Pexaro et sier Gabriel Moro el cavalier. Andò le parte. Non sincere 31, dil Trun 20, di Savii 51, dil Pexaro 22: et di no 101. *Iterum* rebatolà le do meio, e fu preso di no; sichè niuna di ste opinion non fu presa per non esser intese.

Fu posto, per li ditti Savii, la expedition di capitoli porti per li oratori di la Patria di Friuli, et fono expediti, *ut in eis*. 157, 9, 10.

147* *Questi sono li piezi dil banco vol levar sier Andrea e Piero da Molin, balotadi a dì 20 dito in Pregadi, e tutti rimaseno per ducati 30 milia (sic).*

Sier Andrea Magno, qu. sier Stefano	
per	ducati 1000
Sier Alvise Bernardo, qu. sier Piero,	
per	» 2000
Sier Nicolò e Zuan Francesco Venier	
qu. sier Hironimo, per	» 1000
Sier Piero da chà da Pexaro procura-	
tor, per	» 2000
Sier Marco da Molin procurator, per	» 2000
Sier Marcho Grimani procurator, per	» 1000
Sier Michiel e Polo Malipiero qu. sier	
Jacomo, per	» 1000
Sier Beneto di Prioli qu. sier Fran-	
cesco, per	» 2000
Sier Stefano e sier Teodosio Conta-	
rini qu. sier Bernardo, per	» 2000
Sier Tadio Contarini qu. sier Nicolò,	
per	» 2000
Sier Mafio Bernardo <i>dal Banco</i> , qu.	
sier Francesco, per	» 1000
Sier Lunardo Justinian qu. sier Lo-	
renzo, per	» 1000
Sier Hironimo Lion qu. sier France-	
sco, per	» 2000
Sier Andrea Diedo qu. sier Antonio,	
per	» 1000
Sier Nicolò Donado qu. sier Giacomo,	
per	» 1000

Sier Andrea Dandolo, qu. sier Al-	
vixe, per	ducati 1000
Sier Alexandro Contarini, qu. sier Im-	
perial, per	» 1000
Hironimo di Andrea, merchadante,	
per	» 1000
Sier Batista Boldù, qu. sier Antonio	
el cavalier, per	» 1000
Sier Marco Antonio Dandolo, qu. sier	
Zuane, per	» 1000
Sier Bernardo Zustignan, qu. sier Al-	
vise, per	» 1000
Sier*Alvixe Soranzo, qu. sier Vetur,	
per	» 1000

*Copia di la parte posta in Pregadi per tutto 148
il Colegio, a dì 23 Zugno 1523 in Pre-
gadi, zercha li medici.*

Che per le cosse dite et lete, i medici collegiati habitanti in questa città nostra non habino a esser molestati per li XX Savii sopra le tanxe, ma debano continuar in la sua solita graveza de mandar li medici in armada et in exerciti, et de far tutto quello che da la Signoria et magistrati nostri per zornata li sarà comesso.

† De parte 113

De non 46

Non sincere 13

A dì 29. La matina, nulla fu da conto. Eri li 3 149^u deputati fono a caxa dil prothonotario Carazolo orator cesareo, dove vene l'altro orator domino Alfonso Sanxes et domino Ricardo Pazeo orator anglico, et fono sopra li capitoli etc.

In questa matina, fono in Colegio domino Ambruoso da Fiorenza orator dil re Christianissimo et il signor Renzo da Cere, et non stetenno molto.

Di la peste eri fono do, uno puto a Castello et una puta a Santa Agnese, processa però tutto da quel Damian Caligo venuto con le galie di Baruto, qual è stà quello portò la peste in questa terra. Si fa ogni provision.

Da poi disnar, fo Gran Consejo. Fato Luogotenente in la Patria di Friul sier Andrea Foscolo cao di X qu. sier Marco. *Item*, uno Proveditor sopra la sanità, in luogo di sier Marco Barbarigo che compie, sier Alvixe da Riva fo sopragastaldo di sier

(4) La carta 148* è bianca.